

## КУРСАНТЛАРНИНГ ЎҚИТИШ ЖАРАЁНИ МЕТОДИКАСИНИ ТАКОМИЛЛАШТИРИШНИНГ ЎЗИГА ХОС ЖИҲАТЛАРИ

Улугбек Бейсенов  
ИИВ Академияси Ҳарбий тайёргарлик  
кафедраси ўқитувчisi (мустақил изланувчи)

### АННОТАЦИЯ

Маколада курсантларнинг ўқитиш жараёни методикасини такомиллаштириш билан боғлиқ масалалар таҳлил қилинади. Хусусан, курсантларга берилган билимнинг мазмуни, таълим берувчи субъектнинг ўқитиш, тарбиялаш методикаси, педагогик маҳорати ва педагогик техникаси, ўқитиш жараёни методикасининг илмийлик жиҳатлари ёритиб берилади. Шу билан бирга, таълим бериш ва тарбиялаш соҳасидаги инновациялар тадқиқ этилган.

**Калит сўзлар:** таълим, тарбия, курсант, ўқитиш методикаси, билим, педагогик маҳорат, педагогик техника, идрок, кузатиш, мустақил иш, мустақил таълим.

### АННОТАЦИЯ

В статье анализируются вопросы, связанные с совершенствованием методики учебного процесса курсантов. В частности, освещается содержание знаний, передаваемых курсантам, методика обучения, воспитания, педагогическое мастерство и педагогическая техника обучающего субъекта, научность методики учебного процесса. Параллельно исследовались инновации в сфере образования и воспитания.

**Ключевые слова:** образование, воспитание, курсант, методика обучения, знания, педагогическое мастерство, педагогические приемы, восприятие, наблюдение, самостоятельная работа, самостоятельное обучение

### ABSTRACT

The article analyzes the issues related to the improvement of the methodology of the educational process of cadets. In particular, the content of the knowledge transmitted to the cadets, the methodology of teaching, upbringing, pedagogical skills and pedagogical technique of the teaching subject, the scientific nature of the methodology of the educational process are highlighted. In parallel, innovations in the field of education and upbringing were studied

**Key concepts:** education, upbringing, cadet, teaching methods, knowledge, pedagogical skills, pedagogical techniques, perception, observation, independent work, independent learning

Ҳар бир жамиятнинг келажаги унинг ажралмас қисми бўлган таълим қисмининг қай даражада ривожланганлиги билан белгиланиши ҳеч кимга сир эмас. Билим – олинган таълим маҳсули [2, 26]. Курсантнинг ўқиши жараёнида олган билимлари маълум вақт ўтиши билан ўзгариб, бойиб боради, янги билимлар тўлдирилади, курсант энди офицер сифатида объектив оламни янгича тафаккур билан тобора кенгроқ англай бошлайди.

Курсантларни олаётган хуқуқий, касбий, ижтимоий билимлари муайян, аниқ мақсадга қаратилмоғи лозим. Уларнинг билимлари фақат илмий ва амалий билимлар билан бойитилиши ва унда ҳеч қандай деформацияга (бузулишга) йўл қўйилмаслиги керак. Курсантларга бериладиган билимларнинг мазмуни илмий, амалий бўлиши курсантларнинг дунёкарашини ўсишига бўлган муносабатини ўзгартиради буни амалиёт кўрсатмоқда.

Бугунги қунга келиб курсантларни ўқитиш жараён сифатида такомиллашиб, оптималлашиб бормоқда. Маълумки, таълимга анъанавий ёндашув асосий эътиборни дидактика ва таълим нуқтаи назаридан асосланган тайёр билимларни таълим субъектига сингдириш билан умумий ёки касбий фаолият кўникма, малака ва сифатларини шакллантиришни кўзда тутади [4, 56]. Ўқитиш жараёнини такомиллашуви таълим соҳасида ислоҳотларнинг равнақ топишида қудратли воситадир. Курсантларни ўқитиш жараёнини такомиллаштириш орқали уларда касбий ва педагогик онг шаклланиб боради, ҳар бир курсант ўзининг касбий вазифасини бажариб, ўз қўли остидагилар билан касбий тайёргарлик ишларини олиб борар экан, офицер бевосита педагогиканинг элементлари билан ишлайди, педагогик методикалардан фойдаланади. Чунки курсантларни ўқитишда, тарбиялашда ижобий ахлоқий фазилатларга эга бўлган шахсларгина педагогик фаолият билан шуғулланиш хуқуқига эгадирлар (44-модда) [10].

Курсантларни ўқитиш жараёнида курсантлар билими ҳар томонлама чукур бўлиши лозим, билимнинг чуқурлиги ўқитиш усулига, таълим олаётган курсантларнинг ақлий ривожланишига кўп жиҳатдан боғлиқ бўлади. Ўқитиш жараёни такомиллаштириш кенг тушунча бўлиб, бу энг аввало, таълим берувчи субъектнинг ўқитиш, тарбиялаш методикаси, педагогик маҳорати ва педагогик техникасига боғлиқдир.

Курсантларнинг ўқитиш жараёнини такомиллаштиришнинг методикаси тўғрисида гап кетар экан, бизни курсантларни ўқитишни бевосита ва билвосита

кузатишиларимиздан маълум бўлади, таълим бевосита педагог раҳбарлигига олиб борилиши, таълим олаётганларнинг ўз устида ишлашлари, таълимнинг ҳаёт билан боғлиқлиги орқали амалга оширилар экан. Шунингдек, бу жараёнда таълимни инсонпарварлаштиришга ҳам эътибор қаратиш мақсадга мувофиқ. “Ҳозирги даврда таълимни инсонпарварлаштириш ва таълим мазмунининг моҳиятини шахсга йўналтирилган ёндашувини майдонга олиб чиқди. Бу ёндашув марказида шахс туради. Бундай ёндашув таълим мазмунини эркин танлаш имкониятини беради. Шахсга йўналтирилган ёндашувни амалга ошириш жараёнида шахснинг таълимий, маънавий, маданий ва ҳаётий талаблари қондирилади” [5].

Курсантларнинг ўқитиши жараёни методикасини такомиллаштиришда аудитория, фанни материални ўзлаштириш ва идрок қилишдан бошланади. Идрок сезгиларга нисбатан мураккаб ва мазмундор психик жараён бўлиб ҳисобланганлиги сабабли барча руҳий ҳолатлар, ҳодисалар, хусусиятлар хоссалар ва инсон онгининг яхлит мазмуни, эгалланган билимлар, тажрибалар, қўникмалар бир даврнинг ўзида намоён бўлади, акс эттиришда иштирок қиласди. Идрок тушунчаси лотин тилида «*perceptio*» қабул қилиш, идрок деб номланади [12, 107]. Шу фикрдан келиб чиқиб, курсантлар идрокига қуидагича таъриф берсак бўлади: идрок – курсантларни воқеа-ҳодисаларнинг сезги органларига бевосита таъсири натижасида мияда яхлит ҳолда акс этишидан иборат жараён ҳисобланади. Таълим олиш фаолиятида идрок кўпинча кузатиши фаолияти билан ҳам боғлик бўлади.

Курсантларни ўқитиши жараёнининг методикасини такомиллаштиришда уларнинг фаолиятини кузатиши, таҳлил қилиш орқали амалга оширилиши мумкин. Бу ерда “кузатиши мақсадининг аниқ бўлиши ва унинг илмий мақсадларга мос келиши; кузатиши шаклини танлаш ва кузатиши натижаларини қайд этиш усулларини ишлаб чиқиш; маълум режа-схема асосида муттасил кузатув олиб бориш; олинган натижаларнинг асослилиги ва ишончлилигини бошқа усуллар ёрдамида текшириб кўриш” [1, 18] муҳим аҳамият касб этади.

Кузатишининг ўзи эса ўқув жараёнида муайян мақсадга қаратилган режали фаолиятнинг бир бўлагидир. Кузатиши эса идрокни юзага келтиради. Курсантларни ўқитищда турли кўргазмали қуроллар ва техник воситалардир, инноватцион ёндашувлардан фойдаланилади ва теварак-атрофдаги борлиқни бевосита идрок қилиб бўлмайдиган ва бевосита кузатиши қийин бўлган ўқув материалларини ўзлаштиради.

Курсантларнинг ўқитиши жараёни методикасини такомиллаштиришга, Ўзбекистон Республикасининг “Таълим тўғрисида”ги Конуни, Ўзбекистон Давлат таълим стандарти ва Ўзбекистон Республикаси Президентининг 2021 йил

15 апрелдаги “Жамоат хафсизлигини таъминлаш соҳасида професионал кадрларни таёrlаш тизимини янада такомиллаштириш чора-тадбирлари тўғрисида”ги Қарори ҳуқуқий асослар бўлиб ҳисобланади.

Таълим тўғрисидаги қонунда таълимга оид ва таълим билан боғлиқ тушунчаларга изоҳ берилган, айниқса, ушбу қонуннинг 17-моддасида янги тушунча “Дуал таълим” ва унга изоҳ бериб, “Дуал таълим оловчилар томонидан зарур билим, малака ва қўникмаларни олишга қаратилган бўлиб, уларнинг назарий қисми таълим ташкилоти негизида, амалий қисми эса таълим оловчининг иш жойда амалга оширилади” [10] дейилган. Лекин Ўзбекистон Республикаси Вазирлар Маҳкамасининг “Професионал таълим тизимида дуал таълимни ташкил этиш чора-тадбирлари ҳақида”ги қароридан келиб чиқиб Ўзбекистон Республикаси Вазирлар Маҳкамасининг 2021 йил 29 мартағи 163-сон қарорига илова қилиб “Професионал таълим тизимида дуал таълимни ташкил этиш тартиби тўғрисида”ги Низом қабул қилинди, Дуал таълим дастурида, Дуал таълимни ташкил этиш масалалари батафсил берилган. Ушбу Низомнинг бешинчи бандида “Кундузги, кечки ва сиртқи таълим шаклида таълим олаётган ўқувчиларнинг Дуал таълимга ўқишини кўчириш тақиқланади” [10] - дейилган.

Бизнингча, ушбу таълим турининг мазмун-моҳиятини яхши тушунмайдиган фуқаролар ҳам бугунги кунда етарли, деб айтсак хато бўлмайди. Чунки ушбу таълим тури ҳали тўлиқ амалий фаолиятга татбиқ этилиб оммалашгани йўқ. Ундан ташқари, Ўзбекистон Республикаси Ички Ишлар Вазирлиги курсантларини ўқитиш ва тарбиялаш жараёнида Ўзбекистон Республикаси Вазирлар Маҳкамасининг “Олий таълим муассасалари таълим жараёнини ташкил этиш билан боғлиқ тизимни такомиллаштириш чора-тадбирлари тўғрисида”ги Қарорига асосан таълим ва тарбия ишлари жамоат жавсизлиги университетида тўлақонли йўлга қўйлган.

Таълим тизимида ҳам тарбияда ҳам курсантларни ва талабаларни ўқитиш, тўлов контракт асосида ўқитиш, пуллик курсларни ташкил ва бошқа ҳизматларни кўрсатишдан тушган маблағлар унинг бюджетдан ташқари ҳисоб рақамига тушади ва ушбу маблағларнинг 50%дан кам бўлмаган қисми ўкув жараёнига шартнома асосида малакали мутахassislarни жалб қилишга йўналтирилади [11].

Ўқитиш жараёнини ташкиллаштиришга бевосита ёрдам берадиган бир қанча омиллар мавжудлигини тадқиқотимизни илмий жиҳатдан аниқладик, масалан, ўкув жараёнига хорижий мамлакатларнинг нуфузли таълим ва илмий тадқиқот муассасаларининг малакали мутахassislarни жалб этиб, шунингдек, қўшимча илмий тадқиқотларни ўтказиш ва педагогик тажриба алмашиш

соҳасида доимий халқаро ҳамкорликни амалга ошириш орқали эришилади, бу муаммони ҳал қилишнинг биринчи томони бўлса, иккинчи томони ўқитиш ва тарбиялаш жараёнини оптималлаштириш профессор-ўқтувчилар билан курсантларнинг ўуву жараёнида (аудиторияда мустақил таълим, мустақил иш жараёнида) ушбу муаммони амалга ошириш анча қийин кечади, чунки сиртқи таълим жараёнида курсантларни ўқитиш ва тарбиялашни тўлақонли амалга ошириб бўлмайди, чунки улар олий ўкув юргига маълум муддатга (қисқа муддатга) ўқишига келишган бўлади. Ўқув жараёнини оптималлаштириш (қулайлаштириш) икки томонга ҳам маъқул бўлиши лозим, акс ҳолда тарбияда ҳам таълимда ҳам самара бўлмайди. Таълим ва тарбияда уйғунлик оптималлаштиришни тўғри йўлга қўйишга хизмат қиласи.

Курсантларни ўқитиш жараёнининг методикасини такомиллаштириш олий ҳарбий муассасаларида олимлар, ҳарбий педагоглар ва амалиётчиларни диққат марказида бўлиб келган ва бўлиб қолади. Бугунги кунда янги-янги адабиётларни кўплаб ёзилиши, альтернатив адабиётларнинг кўплиги курсантлар томонидан барча янги билимларни тўлиқ эгаллашларини имкониятлари йўқлигидан далолат беради. Айниқса, ўкув дарслекларини жуда тез ўзгариб боришлари ҳам бунга яққол мисол бўла олади, шунинг учун ўкув жараёнини оптималлаштириш бу ушбу муаммоларга ечим бўла олади деб ўйлаймиз.

Ҳарбий фанлар бўйича янги адабиётларни ёзилиши, янги техник аппаратураларни олий ҳарбий таълим муассасаларининг ўқув жараёнига олиб келингандигини ушбу соҳадаги профессор-ўқтувчиларни ўз устида ишлашлари учун шарт-шароит яратилиши талаб этилади. Ҳарбий фанларни ўқитиш жараёнида оптимизация масалалари ўзига хос ўқитиш методларини танлашга мажбур этади, масалан мустақил иш таълим жараён ҳар бир курсантлардан мустақил ишга хизмат мажбурияти сифатида қарashi лозим экандини уқтириб боради.

Мустақил иш ҳар бир курсантни билимини бойитиш билан бирга дунёқарашини ҳам ривожлантириб борадиган жараён ҳисобланади.

Мустақил иш, мустақил таълимнинг давоми ҳисобланади. Олий ҳарбий таълим муассасаларида Куролли Кучлар ва ҳуқуқни муҳофаза қилувчи органлар учун кадрларни маънавий-ахлоқий тарбиялашнинг самарали тизимини жорий этиш, уларда ҳуқуқий маданиятни шакиллантириш ҳамда ватанпарварлик ва юксак одоб-ахлоқ сифатларини камол топтириш орқали чуқурлаштирилган ҳолда тайёрлаш [11] масаласи асосий ўринлардан бирини белгилайди.

Ўзбекистон Республикаси Президенти Ш.Мирзиёев Президентлик лавозимида киришишдаги тантанали маросимида бағишлиланган Олий Мажлис палаталари қўшма мажлисидаги нутқида шундай дейди “Юртимизда учинчи

ренессанс пойдеворини барпо этиш учун бизга замонавий илм ва яна бир бор илм, тарбия ва яна бир бор тарбия керак. Бугунги ва эртанги кунимизни, ёшларимизни тақдирини ҳал қиласидиган юксак малакали муаллим ва мураббийлар, профессор-ўқитувчилар, ҳақиқий зиёлилар керак” [3].

Ушбу профессор-ўқитувчиларни ҳам тарбиялайдиган ва ўқитадиган бу зиёлилардир. Зиёли педагоглар ўз хатти-ҳаракатининг барча-барчасини шахсларни ўқитиш, тарбиялашга бағишлиади.

Курсантларни ўқитиш методикасини такомиллаштириш, албатта, тарбия методикасини такомиллаштиришни ҳам талаб этади. Чунки жамиятда умумэътироф этилган қоида мавжуд, яъни “таълимни тарбиядан, тарбияни таълимдан айрича тасаввур зтиш мумкин эмас. Таълим ва тарбия – ўзаро узвий боғлиқ бўлган шарқона тушунчалардир” [8, 115-116]. Ушбу қоида ҳеч бир вақти эскирмайди. Ҳарбий хизматчини тарбиялашда ва ўқитишда уларга ёрдамга келадиган бу мустақил ишдир. Мустақил иш касбий билимларни эгаллашда ҳар бир курсантга бевосита ва билвосита ёрдам беради, чунки мустақил иш курсантларни билим олишида фильтр вазифасини бажаради. Масалан, барча қийинчиликлар ўқув материалини ўзгартиришдаги қийинчиликлар мустақил методик қийинчиликлар мустақил ишда қолиб кетади ва кейинги босқичда дарс жараёнида курсантларни билимларни тўла олишга ёрдам беради.

Олий ҳарбий таълим муассасаларида курсантларни ўқитиш жараёнидаги мустақил иш дарсларни ўзлаштиришни мустақил ташкил этиш, ўзларини билим фаолиятини бойитиш, ўзини-ўзи бошқариш ҳамда берилган топшириқларни, вазифаларини ўз хоҳишилари билан когнитив қобилиятини ривожлантиришга қаратилган жараён дея тавсифланади.

Курсантни ўқитиш жараёни ўз моҳиятига кўра анъанавий дарс турлари билан бирга интерфаол ўқитишга ва мустақил иш ва мустақил таълимга асосланиб олиб боради.

Ҳар қандай ўқитиш жараёнида дарсдан кейинги мустақил иш курсантларни билимларини тўлдирувчи метод сифатида қаралиши мумкин.

Олий ҳарбий таълим муассасаларини битказиб кетиб офицер бўлиб хизмат олиб бораётган ҳарбий хизматчилар ўртасида олиб борган мониторларнинг натижаларининг қўрсатишича олий ҳарбий таълим муассасасини тамомлагандан сўнг биринчи уч йилда офицерларни олий ҳарбий таълим муассасаларида олинган билимларини 10%дан 15% гача эскириши бошланар экан, ҳарбий соҳаларда бунданда кўпроқ ва тезроқ қадрсизланар экан. Агар ҳолат шундай кетса беш йил ичидаги аҳвол янада аянчлироқ бўлар экан. Ушбу фикрни тадқиқотни бугунги кун талабидан келиб чиқиб қайта ўтказиб, ўрганиб кўриш керак, чунки вақт шиддат билан ўзгариб бораяпти.

Мустақил равишда ўзини устида ишламас экан ҳар бир курсантнинг билимлари турғун характерга эга бўлади. Шунинг учун ҳар бир курсант ўз билимини такомиллаштиришлари шарт, акс ҳолда билимлар консерватик (турғун) характерга эга бўлиб қолиши мумкин.

Ҳарбий педагогикага оид адабиётларни таҳлили шуни қўрсатадики “Мустақил иш” ўқитиш жараёнини методикаларидан бири сифатида чуқур ва кенг қиррали тушунча ҳисобланади.

Мустақил иш тушунчасига илмий жиҳатдан ёндашар эканмиз бу жараён ижтимоий, дидактик, психологик тарбиявий жиҳатларга эга. Курсантларни ўқитиш жараёни сифатида фан бўйича маълум бир миқдор билимларни курсантларга мустақил иш сифатида берибина қолмасдан, балки уларни ўзини устидан мустақил ишлашга ҳам ўргатадиган жараён ҳисобланади.

Мустақил иш ҳар бир курсантдан ўзини устида ишлаш хоҳишини ҳам бор йўқлигига қисман бўлса ҳам боғлиқдир. Курсант мустақил шахс сифатида мустақил фикрга, дунёқарашга эга бўлади, мустақил иш курсантларни дунёқарашини ўзгартиради бу оддий ҳақиқатдир. Мустақил иш ўқитиш жараёнини оптималлаштиришга ёрдам беради. Шунинг билан бирга мустақил ишлашда курсантларни дунёқарашини шаклланишига халақит берадиган бир қанча омиллар мавжуд масалан:

- Курсантларга интернет тармоғидан фойдаланишга рухсатнинг йўқлиги;
- Мустақил ишга ажратилган вақтнинг қаттиқ тасдиқланган кун тартиби бўйича белгиланганлиги;

- Бошқа фанларни ўқитишга, масалан, саф тайёргарлиги, ўқ отиш тайёргарлиги, тактик тайёргарлик, Ўзбекистон Республикаси Қуролли Кучларининг Умумҳарбий низомларга вақтни кўп ажратиш натижасида мустақил ишга вақт кам қолмоқда.

Бундан ташқари курсантларни мустақил ишига қуидагилар бевосита таъсир этади:

- Коровулда ва нарядда хизмат олиб боришга жалб қилиниши;
- Тантанали тадбирларга тез тез жалб қилиниши;
- Фавқулодда ҳолатларда курсантларни фаол иштирок этишлари;
- Бадиий ҳаваскорлик ва спорт тадбирларида курсантларни фаол иштироки.

Ушбу ўринда Я.В.Чистяковнинг фикрларига қисман қўшилишимиз мумкин, масалан, унинг фикрича “Командирларни мустақил ишни ташкил этишда вазифаси ва ролини чўпонга ўхшатиш мумкин, яъни курсантларни ўқув аудиторияга ҳайдаб киргиздингиз бўлди яна ўзингизни жойингизга қайтасиз, баъзида бир маротаба ора-чорада курсантларни мустақил иш жараёнини назорат қилишади” [9].

Чет давлатларида маъруза ўқишига вақт кам ажратилади, мустақил ишга эса вақт бемалол ажратилмоқда. Мустақил таълимга вақтни маърузага нисбатан уч маротаба кўпроқ ажратиб уларни ўзларини устида кўпроқ ишлашлари учун шароит яратиш мустақил ишни самараодорлигини оширади [7, 157-162].

Курсантларни олий ҳарбий таълим муассасаларида объектив ва субъектив сабабларга кўра мустақил ишда, мустақил тайёргарликда қатнаша олмаган бўлса, келажакдаги амалий фаолиятда муаммоларга дуч келганда ана шу бўшлиқнинг ўрни билинади ва офицер бўлиб хизмат олиб борганда ҳам қийналишади.

Курсант қизларни ўқитишида уларнинг ўқиши жараёнини оптималлаштириш ҳам мустақил иш орқали йўлга қўйилади. Курсант қизлар Ўзбекистон Республикаси ИИВ Академиясида ҳам ўқишига қабул қилинади, уларнинг ўқиши жараёни ва қун тартиби ўғил бола курсантлар билан бир хил, лекин гигиеник фаолиятда баъзи бир ҳолатларда фарқ бўлади, яъни гендер [6, 30] ўзига хослик ҳали етарли даражада ўрганиш обьекти бўла олганича йўқ. Шу нуқтаи назардан нафақат ҳарбий хизматчиларни гендер ўзига хослигигина эмас, курсантларни ҳам гендер жиҳатларини ўрганилиши давр талабидир. Бу борада профессор-ўқитувчиларнинг вазифаларидан яна бири бу курсантларни мустақил ишлашга ўргатиш орқали янгидан-янги билимларни олишга, ўзлаштиришга ёрдам беришдир. Мустақил иш билан режали ва тўғри шуғулланиш ҳар бир курсантни фанга хурматини кўрсатади деб ўйлаймиз.

## АДАБИЁТЛАР РЎЙХАТИ

1. Акрамова Ф.А. Ижтимоий психология: ўқув қўлланма. – Тошкент, ТДПУ, 2007. – Б. 18.
2. Маҳмудов Р.М., Сирлиев Б.Н. Педагогик психология. Маъruzalap курси. –Т.: ТОҲТБЮ, 2012. – Б.26.
3. Мирзиёев Ш.М. Янги Ўзбекистон тараққиёт стратегияси асосида демократик ислоҳотлар йўлини қатъий давом эттирамиз // URL - <https://president.uz/uz/lists/view/4743> - Электрон ресурс
4. Сайитхонов А.А. Тадбиркорлик маданиятини ривожлантиришда инновацион фаолиятнинг ижтимоий-фалсафий таҳлили. Фалс.фан.бўйича фалс.док. (PhD) дисс. Андижон, 2022. –Б.56.
5. Туракулов Э. Педагогик технологиялар ва маҳорат. Самарқанд, 2006 // URL – <https://docviewer.yandex.uz/> view/ 0/?page=1&\*=JIEQ4ZLZLRC%2 – Электрон ресурс
6. Трубачев И.В., Соловей Д.В. Сущность педагогической оптимизации и её задачи в военном ВУЗе / Вестник Армаверского гос-го пед-го уни-та. –2020. – №2. – С. 30.

7. Хакунова Ф.П. Проблема организация самостоятельной работы студентов и школьников на современном этапы образования // Ф.П.Хакунова Вестник АГУ серия Педагогика и психология. – Майкоп. – 2012. – вып.12. – С. 157-162.
8. Хасанбоев Ж., Тўракулов X., Алқаров И., Усманов Н. Педагогика (Педагогика назарияси ва тарихи. I қисм). - Тошкент: «Fan va texnologiya», 2010 . – Б.115-116.
9. Чистяков Я.В. Оптимизация самостоятельной работы курсантов //Научно-практический электронный журнал «Аллея Науки». –2020. –№9.
10. Ўзбекистон Республикасининг 2020 йил 23 сентябрдаги Таълим тўғрисидаги қонуни //URL - <https://lex.uz/docs/5013007> - Электрон ресурс
11. Ўзбекистон Республикаси Презедентининг 2021 йил 15 апрелдаги “Жамоат хавфсизлигини таъминлаш соҳасида професионал кадрларни таёrlаш тизимини янада такомиллаштириш чора-тадбирлари тўғрисида”ги ПҚ-5077-сон Қарори // URL - <https://lex.uz/docs/5377545> - Электрон ресурс
12. Фозиев Э. Умумий психология. Психология мутахассислиги учун ўкув қўлланма. – Тошкент: ЎзМУ, 2002. –Б.107.
13. Rustamova Shahnoza Aripovna, Rashidova Munavvar Xaydarovna. Formation of self-assessment competence of primary school students in foreign language teaching. Science and education. 2022. Volume 3. Issue 4. pp. 1075-1080.
14. Rashidova Munavvar Xaydarovna. Recommendations on the use of scaffolding technology in English classes. Science and education. 2022. Volume 3. Issue 9. pp. 459-461.
15. Rashidova Munavvar Xaydarovna, Namozova Dilnoza Berdimurotovna. Effective methods of teaching. Materials of the republican 33-multidisciplinary online distance conference on “Scientific and practical research in Uzbekistan. Part 10. 2021. p. 23.
16. Rashidova Munavvar Xaydarovna. 2021. Discourse competence as the component of communicative competence. EPRA International Journal of Research and Development. Volume 6. Issue 3. pp. 39-41.
17. Rashidova Munavvar Xaydarovna. 2021. Sociolinguistic competence as the main component of intercultural communicative competence. EPRA International Journal of multidisciplinary Research. Volume 7. Issue 3. pp.4-6
18. Рашидова Мунаввар Хайдаровна. 2021. Развитие коммуникативной компетенции в обучении курсантов устной речи. Инновации в педагогике и психологии. Номер 4, Выпуск 1. С.82-86.